

# FAKULTI KEMANUSIAAN SENI DAN WARISAN (FKSW)

## UNTUK MAKLUMAT LANJUT, SILA HUBUNGI:-

### Pejabat Am

Fakulti Sains Sosial dan Kemanusiaan

Tel : 6088 - 320000

samb. : 1771/2710/2711

Faks : 6088 - 320242

E-mel : [pejfksw@ums.edu.my](mailto:pejfksw@ums.edu.my)

## PENGENALAN

Fakulti Kemanusiaan, Seni dan Warisan (FKSW) dizahirkan hasil daripada cetusan minda YBhg. Profesor Datuk Dr. Mohd Harun Abdullah, Naib Canselor Universiti Malaysia Sabah (UMS) dengan menggabungkan dua jalur pengajian iaitu Sains Sosial dan Seni melalui penggabungan Sekolah Pengajian Seni dan Sekolah Sains Sosial, bersempena sambutan ulang tahun ke-20 penubuhan UMS. FKSW menawarkan 10 program pengajian iaitu Komunikasi, Seni Muzik, Seni Kreatif, Hubungan Industri, Sosiologi dan Antropologi Sosial, Hubungan Antarabangsa, Geografi, Sejarah, Teknologi Seni Visual dan Pendarasan Islam. Pengajaran dan pembelajaran dilaksanakan secara bersepadu berpandukan modul-modul khas oleh para pensyarah yang pakar, berbakat dan berpengalaman dalam bidang masing-masing.

FKSW merupakan sebuah pusat pengajian multi disiplin yang memberi tumpuan kepada pengajaran, pembelajaran, dan penyelidikan dalam pelbagai bidang bertujuan untuk melahirkan para graduan yang bersahsiah dan berketerampilan tinggi, berupaya menyumbang ke arah pembangunan dan kesejahteraan agama, masyarakat dan negara. Kursus-kursus yang ditawarkan di fakulti ini digubal khusus dengan mengambil kira faktor kemanusiaan, kemasyarakatan, persekitaran dan penguasaan teknologi terkini demi melahirkan golongan profesional dan ahli intelek dalam bidang seni dan juga sains sosial. Pihak pengurusan fakulti yang penuh dedikasi bertekad memberikan perkhidmatan terbaik dalam pengajaran dan pembelajaran, membuka pelbagai peluang penyelidikan dan penerokaan ilmu dalam berbagai disiplin sains sosial dan kesenian kepada para mahasiswa/i.

## VISI

Kecemerlangan penjana keilmuan antara disiplin dalam ilmu kemanusiaan dan sains sosial demi memantapkan kemahiran intelek dan insaniah bagi membentuk sumber manusia profesional yang berdaya saing di persada global.

## MISI

Memangkin, menjana dan melestari ilmu kemanusiaan dan sains sosial di arena lokal dan global.

## OBJEKTIF

- Mengembangkan ilmu Sains Sosial dan Kesenian melalui pengajaran dan penyelidikan berasaskan teknologi terkini yang menyeluruh bagi melahirkan para graduan yang berpendidikan dan berupaya menatar, memasar dan memasyarakatkan

# FAKULTI KEMANUSIAAN SENI DAN WARISAN (FKSW)

bidang Sains Sosial dan Seni dengan ilmu-ilmu lain;

- Melahirkan kumpulan pakar dalam kesemua bidang Sains Sosial dan Kesenian yang mampu menawarkan khidmat pakar rujukan dan rundingan;
- Melahirkan para professional Seni dan Sains Sosial yang terlibat secara proaktif dalam industri berkaitan di peringkat kebangsaan dan juga antarabangsa;
- Menjalinkan hubungan fakulti dengan pihak industri berkaitan swasta, kerajaan dan masyarakat setempat;
- Mengeratkan hubungan dan kerjasama akademik dalam bidang Sains Sosial dan Kesenian dengan Institusi Pengajian Tinggi (IPT) di dalam dan luar negara; dan
- Melaksanakan sistem piawaian yang diiktiraf oleh Agensi Kelayakan Malaysia (MQA) serta mendapat penilaian dari pakar dalam dan luar negara.

## PROGRAM PENGAJIAN

Program pengajian yang ditawarkan di fakulti ini menawarkan empat ijazah iaitu Ijazah Sarjana Muda Sains Sosial dengan Keujian; Ijazah Sarjana Muda Sastera dengan Keujian; Ijazah Sarjana Muda Teknologi Seni Visual dengan Keujian; dan Ijazah Sarjana Muda Pendarasan Islam dengan Keujian dalam pengkhususan berikut:

### HA02 KOMUNIKASI

Program ini menawarkan pendekatan pengajian komunikasi yang bercorak teoritikal, empirikal dan profesional. Kursus-kursus memberi penekanan kepada corak dan amalan media di Malaysia dari segi produksi, representasi dan resepsi. Pelajar diberi pendedahan kepada pelbagai produk dan genre media dan digalakkan untuk menganalisis wacana dan naratif media secara kritis. Pelajar juga diperkenalkan kepada isu-isu berkaitan dengan polisi dan kawalan media, media baru dan globalisasi media serta impaknya, dari segi budaya, politik dan ekonomi terhadap masyarakat. Program menawarkan pengkhususan dalam kewartawanan & penyiaran dan perhubungan awam & periklanan bagi melengkapkan pelajar dengan kemahiran dalam penulisan dan penerbitan profesional di samping mampu berfikir secara kritis.

#### Prospek Kerjaya

Tenaga Pengajar, Pengarah Kempen, Komunikasi Korporat, Pegawai Perhubungan Awam, Wartawan, Wartawan Penyiaran, Penulis, Pembaca Berita, Penyampai Radio, Penerbit Radio dan Televisyen, Eksekutif Periklanan Penyedia Kandungan.

### HA05 PROGRAM SENI MUZIK

Program Seni Muzik menawarkan kursus-kursus teori dan amali muzik yang merangkumi modul pengajian muzik klasik, muzik popular, muzik tradisional, muzik kontemporari dan muzik non-popular. Selain daripada tumpuan persembahan dan penciptaan,

# FAKULTI KEMANUSIAAN SENI DAN WARISAN (FKSW)

program ini juga menawarkan variasi ilmu pengajian industry muzik, perniagaan dan teknologi muzik, muzik liberal dan teknologi maklumat muzik termasuk sintesis bunyi, sampling dan pengaturcaraan komputer untuk penerapan muzik. Para pelajar dilatih untuk menganalisis dan meneroka secara analitis isu-isu berhubung dengan industri muzik di samping menerapkan ilmu teknologi di dalam hasil produksi seni.

## **Prospek Kerjaya**

Pengubah Muzik, Pengubah Lagu, Skor Filem, Jingle, Pemimpin Muzik Chamber, Pemimpin Muzik, Orkestra, Penerbit Muzik, PengarahKoir, Ahli Terapi Muzik, Pustakawan Muzik, Juruteknik Siaraya, Jurureka Bentuk Studio, Juruteknik Studio Rakaman, Editor Audio Digital, Juru Sintesis Muzik, Pemuzik 'Session' Vokalis dan Penyanyi Latar, Pengkaji Konsumer, Konsultan Perniagaan Muzik, Penulis Lirik

## **HA11 PROGRAM SENI KREATIF**

Program Seni Kreatif terdiri daripada tiga aliran iaitu aliran penulisan, teater dan tari. Kursus-kursus yang ditawarkan adalah seperti seni lakon, filem, seni tari dan juga ilmu penataran termasuk ilmu pengurusan seni. Di samping menawarkan kursus-kursus asas untuk kesemua aliran, pelajar dilengkapi dengan pengetahuan asas teori dan berpeluang berlatih secara amali dengan tujuan membina kemahiran dan penampilan pelajar dalam kesenian. Program ini juga menyediakan pelajar untuk prospek pasaran kerja dengan pengetahuan tambahan seperti asas penggunaan media, animasi desain, sanggar studio dan teater, penataran seni dan seniman.

## **Prospek Kerjaya**

Penulisan Biografi, Penulisan Skrip, Lakon-Layar, Editorial, Dokumentari, Penulis Lirik, Drama, Kolumnis, Editor Naskah atau Sub-editor, Pengulas Buku, Pembaca Berita, Wartawan Akhbar, Wartawan Media Massa, Wartawan Majalah popular, Novelis, Pemuisi, Pegawai Publisis Media, Eksekutif Akaun Pengiklanan, Pegawai Pemasaran Media, Eksekutif Media, Pegawai kesenian, Produser Seni Persembahan, Pengurus Acara (Event Manager), Pengurus Pentas, Pengurus Produksi, Eksekutif Pemasaran Seni, Pensyarah dan Jurulatih Seni Penulisan, Seni Visual dan Seni Pementasan, Pereka Busana, Ahli Terapi Tari, Koreografer, Jurulatih Senitari, Penerbit Rancangan, Pengarah Seni Lakon, Pegawai Kebudayaan, Pelakon.

## **HA12 HUBUNGAN INDUSTRI**

Program ini memperkenalkan kepada para pelajar mengenai hubungan antara majikan, pekerja dan pemerintah berasaskan pendekatan interpersonal dan inter organisasi kerja. Pelajar turut akan mengikuti kursus-kursus yang menekankan aspek multi disiplin seperti perundangan buruh, sejarah perburuhan, sosiologi industri, demokrasi industri, ekonomi politik dalam konteks hubungan industri, keselamatan pekerja, pengurusan sumber manusia, pengurusan upah, pengurusan sistem maklumat pekerja, dan amalan perhubungan pekerjaan di sektor formal dan tidak formal. Seterusnya kursus program ini juga akan menyentuh isu kesatuan sekerja, dinamika pekerjaan semasa, strategi, perundingan dan penyelesaian pertikaian dalam industri. Justeru, prospek

# FAKULTI KEMANUSIAAN SENI DAN WARISAN (FKSW)

kerjaya graduan program ini meliputi, namun tidak terhad kepada kerjaya dalam bidang akademik, perundangan, penguatkuasaan, perhubungan perusahaan, latihan dan keselamatan pekerja di sektor awam serta pentadiran dalam domain pengurusan dan perundingan tenaga kerja di sektor swasta dalam dan luar negara.

## **Prospek Kerjaya**

Pegawai Perhubungan Perusahaan, Pengurus/ eksekutif Sumber Manusia, Pegawai Tadbir, Tenaga Pengajar, Pegawai Keselamatan dan kesihatan Pekerjaan, Juruperunding Pengurusan Pekerja.

## **HA15 HUBUNGAN ANTARABANGSA**

Program ini menawarkan kursus-kursus yang berkaitan dengan hubungan antarabangsa yang merangkumi politik, ekonomi dan budaya. Program ini menekankan perspektif politik dekad-dekad mutakhir dalam konteks evolusi sistem antarabangsa moden. Perkara-perkara yang disentuh meliputi konflik dan keamanan antarabangsa serta ekonomi politik antarabangsa. Akan disentuh juga ideologi-ideologi politik, bentuk interaksi antara negara, jurang Utara-Selatan dan integrasi global.

## **Prospek Kerjaya**

Pegawai Tadbir dan Diplomatik, Penganalisis Keselamatan, Perunding Krisis Antarabangsa, Felo Penyelidik, Tenaga Pengajar, Pegawai Tadbir Awam, Penganalisa Ekonomi Antarabangsa dan Pegawai Perhubungan Awam.

## **HA18 GEOGRAFI**

Program ini menawarkan kursus-kursus yang berkaitan dengan pengajian Geografi termasuk geografi fizikal, geografi kemanusiaan, geografi bandar, geografi ekonomi, persekitaran petempatan dan kependudukan, perancangan dan pengurusan gunatanah, serta kartograf dan grafik. Program ini juga memberi penekanan terhadap perkembangan penggunaan teknologi canggih yang menggabungkan semua bidang geografi melalui semua bidang geografi melalui Sistem Maklumat Geografi (GIS) dan penderiaan jarak jauh yang menggunakan teknologi komputer, perisian dan Imej Satelit.

## **Prospek Kerjaya**

Pegawai/Pembantu Penyelidik, Pakar Runding, Penganalisis Sistem Maklumat Geografi, Penganalisis penderiaan jarak jauh, Tenaga Pengajar, Pegawai Perancangan Bandar, Pegawai Meteorologi, JuruGeospasial.

## **HA24 SEJARAH**

Program ini memberikan tumpuan khusus kepada pengkajian sejarah Malaysia bermula dari sejarah Kesultanan Melayu Melaka hingga kepada perkembangan politik 1990. Tumpuan juga diberikan terhadap aspek pensejarahan Melayu, sejarah sosio-ekonomi

# FAKULTI KEMANUSIAAN SENI DAN WARISAN (FKSW)

serta sejarah Sabah dan Sarawak. Di samping itu, penekanan juga diberikan kepada sejarah Asia Tenggara sebelum dan semasa Kolonialisme, Nasionalisme, pemodenan dan pembangunan di Asia Tenggara. Pelajar juga didedahkan dengan Sejarah Timur Tengah, Sejarah Amerika Latin, Sejarah Amerika Syarikat, Sejarah Asia Timur, Sejarah Eropah, Sejarah Maritim, Arkeologi, Sejarah Australasia dan Oceania serta Gerakan Tajdid Islah Dunia Islam.

## **Prospek Kerjaya**

Pegawai Tadbir di Jabatan Arkib/ Muzium, Penyelidik di Jabatan Arkib/ Muzium, Tenaga Pengajar.

## **HA32 TEKNOLOGI SENI VISUAL**

Program Teknologi Seni Visual direka bagi menyediakan pengetahuan yang komprehensif secara teoritikal dan praktikal tentang ilmu pengajian dalam bidang seni visual digabungkan dengan seni media digital melalui satu siri kursus yang telah direka dengan teliti. Aspek teori merangkumi kajian terhadap penyelidikan media, apresiasi, interpretasi, estetika dan kritikan seni. Aspek praktikal pula memfokuskan kepada penerokaan terhadap media baru dan teknologi, penguasaan bahan dan pengaplikasian teknik-teknik yang bersesuaian dengan studio dan kerja lapangan. Kedua-dua aspek teori dan praktikal ini dilengkapi dengan elemen-elemen pengurusan dalam melahirkan generasi pelajar yang dapat memenuhi faktor permintaan industri dan menyediakan sumber manusia profesional dalam bidang seni visual yang berdaya saing di persada global.

## **Prospek Kerjaya**

Pensyarah Seni Visual, Kurator Galeri, Pengarah Filem, Seniman Tamu, Pereka Grafik, Penerbit Rancangan, Usahawan, Penyunting Video, Penyelidik Penyiaran Media, Sinematografer, Pelukis, Pengurus Galeri, Guru Seni, Jurugambar, *Copy Writer*, Juru Animasi, Pereka Grafik, Wartawan Media Cetak.

## **HA14 SOSIOLOGI DAN ANTROPOLOGI SOSIAL**

Program ini memperkenalkan kepada para pelajar pengetahuan tentang isu-isu kemasyarakatan dengan menggunakan konsep, teori, metod serta penyelidikan dalam bidang Sosiologi dan Antropologi Sosial. Kursus-kursus yang ditawarkan termasuklah Pengantar Antropologi, Pengantar Sosiologi, Antropologi Bandar, Sosiologi Luar Bandar, Hubungan Etnik, Sosiologi Industri, Sistem Kekeluargaan, Struktur & Organisasi Kekuasaan, Ketaksamaan Sosial, Masyarakat & Agama, Pembangunan & Alam Sekitar, Masyarakat & Ekonomi, Sosiologi Alam Sekitar, Isu-isu Gender, Etnograf Borneo, Teori & Metod dalam Etnomuzikologi, Sosiologi Organisasi Kompleks, Sosiologi Pelancongan, Sosiologi Migrasi dan juga Metodologi Penyelidikan & Analisis Data.

## **Prospek Kerjaya**

Pensyarah, Pentadbir, Ahli Politik, Pegawai Daerah, Pegawai Penyelidik Sosial, Kurator.

# FAKULTI KEMANUSIAAN SENI DAN WARISAN (FKSW)

## HI15 PENDARASAN ISLAM

Program Pendarasan Islam menawarkan kursus-kursus yang selari bagi keperluan melahirkan sumber manusia dan insan yang mempunyai kefahaman Islam yang sebenar, dinamik dan memenuhi tuntutan semasa. Ia juga atas permintaan masyarakat setempat yang mahukan program pengajian Islam ditawarkan di Sabah memandangkan belum ada lagi pendidikan tinggi pengajian Islam di Borneo.

### **Prospek Kerjaya**

Pensyarah, Guru Agama/ Bahasa Arab, Guru Pendidikan Islam, Guru Al-Quran, Pegawai atau Pembantu Penyelidik, Pegawai Tadbir Agama, Pegawai Tadbir, Penyelia Agama, Kaunselor Agama, Editor Bahagian Agama, Pegawai Tentera (KAGAT), Pegawai Bahagian Agama dan Kaunseling (BAKA), Imam, Pegawai Industri Halal, Pegawai Pemakanan Halal.

**KAKITANGAN AKADEMIK : [www.ums.edu.my/fksw](http://www.ums.edu.my/fksw)**